



CONVENIO DO CONCELLO DE REDONDELA COA ASOCIACIÓN DE EMPRESARIOS DE REDONDELA

Redondela, 27 de decembro de 2018

REUNIDOS

Dunha parte o Alcalde do Ilmo. Concello de Redondela, don Javier Bas Corugeira, na representación que ostenta en virtude dos artigos 21.1 b) da lei 7/85, de 2 de abril, reguladora das bases de réxime local.

Doutra, don Enrique Lago Granada, con DNI 36021217 C e enderezo na avenida de Vigo, 284 Bajo, 36320 Redondela (Chapela), en calidade de presidente da Asociación de empresarios de Redondela con CIF G 36039238, con enderezo en Rúa José Regojo, 2 1ºb 36800 Redondela, cuxa representación manifesta neste acto.

Ambos recoñécense capacidade, representación e poder suficiente para subscribir o presente convenio, polo que para tal efecto.

EXPOÑEN

PRIMEIRO.- Que o Concello de Redondela ten competencia en materia de feiras, abastos, mercados e comercio ambulante e na promoción da actividade comercial do municipio; todo isto segundo establecen a Lei 7/85, de 2 de abril, reguladora das Bases do Réxime Local e do Decreto 183/2011, de 15 de setembro, polo que se regulan as mesas locais do comercio.

SEGUNDO.- Que a Asociación de empresarios de Redondela figura inscrita no Rexistro Municipal de Asociacións co número 284. Que a Asociación de empresarios de Redondela ten como fin xenérico o impulso da actividade empresarial e o desenvolvemento económico e social do Concello de Redondela. Para isto, realiza, entre outras, as seguintes actividades:

- ▲ Ruta del pincho.
- ▲ Feira de oportunidades.

Que sendo os obxetivos sinalados de marcado interese público e social, é propósito de ambas as dúas partes colaborar na consecución e logro das mesmas polo que subscriben o presente convenio con arranxo ós seguintes

ANTECEDENTES

PRIMEIRO.- Que a Asociación de Empresario de Redondela presenta:

- a) Cumprimento dos requisitos do artigo 13 da Lei 38/2003, de 17 de novembro, Xeral de Subvencións.

Concello de Redondela

Rua Alfonso XII, 2, Redondela. 36800 Pontevedra. Tfno. 986400300. Fax: 986403894



b) Certificados de estar ó corrente coas súas obrigas tributarias e coa Seguridade Social.

c) Declaración responsable respecto á obriga contida no artigo 25 do Real decreto 887/2006, de 21 de xullo, polo que se aproba o Regulamento da Lei 38/2003.

d) Declaración responsable de non ter solicitada nin concedida ningunha outra axuda para a mesma finalidade, ou de telas, declaración das mesmas e que o importe xustificado supere o importe total.

SEGUNDO .- A Asociación de Empresarios de Redondela vén desenvolvendo ó longo destes anos actuacións relacionadas cun desenvolvemento económico e empresarial sustentable como xeito de creación de riqueza, emprego e prestación de servicios á sociedade.

Debido ás características singulares e propias deste labor non é posible encadrar esta subvención dentro dun procedemento de concesión de subvencións de concorrencia.

En virtude do anteriormente exposto, o Concello de Redondela e a Asociación de empresarios de Redondela acordan subscribir un convenio de colaboración con base nas seguintes:

CLÁUSULAS

PRIMEIRA.- Que a Asociación de Empresarios de Redondela está interesada en recibir un patrocinio por parte do Concello de Redondela co obxecto de poder sufragar parte dos gastos que implica as actuacións de dinamización do comercio local. Patrocinio que se encadra dentro do xa extenso labor, dentro das súas posibilidades, que realiza o Concello no ámbito da dinamización do comercio e empresarial.

SEGUNDA.- Que o Concello de Redondela está interesado en mellorar e promover unha actividade dentro do Concello que redunda en beneficio da poboación, todo isto dentro das competencias do ltmo. Concello de Redondela que se recollen na lexislación xa citada no primeiro expoñendo.

TERCEIRA.- Tal como se establece no punto anterior, estando o Concello de Redondela interesado na promoción de actividades comerciais e, como se di na exposición segunda, tendo a realización das diversas actividades unha importante repercusión no termo municipal. É por iso que se demostra deste xeito o interese social polo que o Concello de Redondela ven de decidir de asinar un convenio coa Asociación de empresario de Redondela.

Así, no Orzamento aprobado polo Pleno do Concello en data de 26 de xullo de 2018 e publicado o día 5 de setembro no boletín oficial da provincia para o ano 2018 recóllese a aplicación orzamentaria 4391A/4890000 para o outorgamento da subvención. Con posterioridade e por Resolución de Alcaldía de data 27 de decembro de 2018, aprobouse outorgar unha subvención por importe de 6.000 € (SEIS MIL EUROS) a cal articularase, atendendo ás peculiaridades da actividade a fomentar, a través do presente convenio para o patrocinio e fomento dos fins de utilidade e interese social antes comentados e de competencia de ambas entidades.

CUARTA.- A Asociación de Empresarios de Redondela comprométese a seguir realizando as actividades antes mencionadas, como ata agora o veñen facendo e en

Concello de Redondela

Rua Alfonso XII, 2, Redondela. 36800 Pontevedra. Tfno. 986400300. Fax: 986403894



concreto a:

- a) Ruta del pincho.
- b) Feira de oportunidades.
- c) Presentar calquera outra documentación que lle sexa solicitada polo Concello, en relación co outorgamento da subvención.
- d) Comprométense a facer constar na publicidade realizada por calquera medio que as actividades e servizos que realice contan coa colaboración do Concello de Redondela.
- e) A facer un uso responsable das instalacións, medios ou recursos, que no seu caso, poña a disposición o Concello sen causar danos nos mesmos.

QUINTA.- Así mesmo comprométese a cumprir coas obrigas dos beneficiarios establecidas na lexislación aplicable que se recollen como anexo deste convenio e en especial a achegar facturas ou documentos substitutivos de facturas, orixinais ou debidamente compulsadas, polo menos, polo importe de 6.000 € (SEIS MIL EUROS) co obxecto de verificar que a actividade se desenvolveu e que o importe concedido non supera o custe das actividades desenvolvidas. Así mesmo, a xustificación só poderá referirse a gastos realizados para sufragar o obxecto deste convenio de acordo co orzamento aprobado pola Asociación e que ademais estean efectivamente pagados con anterioridade á xustificación da subvención, salvo nos casos dos pagamentos a conta. No caso de que ó finalizar o prazo para a xustificación, non se xustificase a totalidade da subvención procederase automaticamente á anulación da subvención polo non xustificado.

As facturas que se presenten para a xustificación deberán ser emitidas conforme ó establecido legalmente no Real decreto 1619/2012, de 30 de novembro. En caso contrario, a factura non contará para a xustificación. Con carácter xeral, a xustificación terá unha relación directa coas actividades subvencionadas. Os gastos xustificadas non poderán ter o carácter de investimento. No caso de que se presenten copias das facturas, á parte de que estas deberán estar debidamente compulsadas, o beneficiario deberá presentar as facturas orixinais para que sexan seladas polo Concello onde se faga constar que a factura se utilizou para xustificar unha subvención.

En caso de que a xustificación se realice mediante documentos substitutivos de facturas deberá poñerse de manifesto as razóns polas que non se pode xustificar o gasto con facturas. A apreciación deste feito será realizada polo órgano que aprobe a xustificación. En caso de que non este conforme coa xustificación requirirá á Asociación de empresarios de Redondela a que presente outra xustificación de acordo co establecido na lexislación pertinente.

Se a xustificación non alcanza a cantidade mínima necesaria para realizar o pago da cantidade concedida, esta reducirase proporcionalmente á cantidade xustificada, procedendo automaticamente á anulación da subvención non xustificada.

Os libramentos dos fondos realizarase a medida que se vaia xustificando o gasto.

O prazo máximo para a xustificación será o 28 de decembro.

Así mesmo, coa xustificación da subvención a Asociación de Empresarios de Redondela deberá presentar:

1. Memoria detallada da actividade realizada, en que consistiu, e o número de participantes na actividade.

Concello de Redondela

Rua Alfonso XII, 2, Redondela. 36800 Pontevedra. Tfno. 986400300. Fax: 986403894



2. Que as facturas se axustan á finalidade recollida no convenio.
3. Que non se atopa en ningún dos supostos establecidos no artigo 13 da LXS ou no artigo 10 da LSG que a inhabiliten para obter a condición de beneficiario da subvención.
4. Certificado de atoparse ó corrente das súas obrigas tributarias co Concello de Redondela.
5. Certificado de atoparse ó corrente no cumprimento das súas obrigas tributarias e fronte á seguridade social.
6. Que non ten solicitada nin concedida ningunha outra axuda para a mesma finalidade, ou de telas, declaración das mesmas e que o importe xustificado supere o importe total das axudas concedidas e/ou solicitadas.
7. Unha certificación de atoparse ó corrente do cumprimento da obriga de reintegro de subvencións.
8. Unha declaración de que o custe do IVE que aparece nos documentos que presentan na xustificación non ten carácter de recuperable para a entidade beneficiaria.
9. O gasto total que tivo que asumir a entidade beneficiaria.

Previamente á aprobación do gasto, a área de Axencia de Emprego e Desenvolvemento Local (AEDL) procederá á valoración de se, coa xustificación presentada pola Asociación de Empresarios de Redondela se cumpre coa finalidade da subvención.

Por último a Asociación de empresarios de Redondela comprométese a non participar na concesión de subvencións que podería outorgar o ltmo. Concello de Redondela conforme ás Bases de subvencións aprobadas no seu día pola Alcaldía ou órgano competente mentres dure a vixencia deste convenio pola mesma actividade que se recolle neste documento.

SEXTA.- O Concello de Redondela responsabilízase de :

- ✦ Tramitar a xustificación que presente no seu momento a Asociación de empresarios de Redondela.
- ✦ Colaborar para a boa execución deste convenio.
- ✦ Asumir únicamente o compromiso económico que se recolle na cláusula terceira, imputándose ó exercicio orzamentario do ano 2018.

Debido ás características deste convenio, non é necesario establecer consecuencias no caso de incumprimento dos compromisos asumidos por cada parte, mais alá de que exista algún desperfecto nas instalacións, medios ou recursos, que no seu caso, puxera a súa disposición o Concello.

SÉTIMA.- A Asociación de Empresarios de Redondela é a única responsable de cantos danos, tantos físicos coma materiais, poidan ocasionarse ó Concello de Redondela e sexan consecuencia directa ou indirecta do uso ou actividade desenvolvida na realización do evento, quedando exento de toda responsabilidade o Concello.

Así mesmo, a Asociación de Empresarios de Redondela asume a responsabilidade civil derivada da realización dos actos recollidos neste convenio, polo que o Concello de Redondela quedará exento de toda responsabilidade.

Concello de Redondela

Rua Alfonso XII, 2, Redondela. 36800 Pontevedra. Tfno. 986400300. Fax: 986403894



Igualmente, o Concello de Redondela quedará exento de toda responsabilidade derivada de actos do personal dependente da devandita Asociación e de calquera persoa con quen esta se relacione.

Se o Concello fora condenado como responsable civil en procedemento civil ou penal, repercutirá a contía total á que ascende o fallo da sentenza á Asociación de Empresarios de Redondela.

OITAVA.- Declárase a compatibilidade con outras subvencións, axudas, ingresos ou recursos para a mesma finalidade, procedentes de calquera Administración ou ente público ou privado, nacional, da Unión Europea ou de organismos internacionais, salvo as outorgadas polo Concello de Redondela. A sinatura do presente convenio suporá o recoñecemento por parte da persoa que ostenta a representación da Asociación de empresarios de Redondela de que o importe total das subvencións obtidas, incluída á que se refire este convenio, das diferentes Administracións Públicas, non supere o custe das actividade a desenvolver polo beneficiario.

Por outra banda, a Asociación de empresarios de Redondela renuncian a participar de calquera outra axuda pública do Concello de Redondela aprobada dentro do ano 2018, con independencia do estado da tramitación da mesma.

NOVENA.- O corpo normativo aplicable estará formado por:

- ⤴ A Lei 38/2003, de 17 de novembro, Xeral de Subvencións.
- ⤴ A Lei 9/2007, de 25 de xuño, de subvencións de Galicia.
- ⤴ O Real Decreto 887/2006, de 21 de xullo, polo que se aproba o Regulamento da lei 38/2003.
- ⤴ Decreto 11/2009, de 8 de xaneiro, polo que se aproba o Regulamento da Lei 9/2007, de 13 de xuño, de subvencións de Galicia.
- ⤴ A Ordenanza Xeral de subvencións do Concello de Redondela.
- ⤴ As Bases de Execución do Orzamento do Itmo. Concello de Redondela.
- ⤴ Con carácter supletorio o Dereito Administrativo.

DÉCIMA.- A Asociación de Empresarios de Redondela queda expresamente comprometida e coñece todo o establecido nos títulos II, III e IV da Lei 38/2003, de 17 de novembro, Xeral de Subvencións referidas ó reintegro de subvencións, control financeiro de subvencións e infraccións e sancións administrativas en materia de subvencións.

UNDÉCIMA.- Este Convenio ten carácter administrativo.

Conforme co mesmo o firman as persoas e no lugar e data arriba sinalados por triplicado exemplar.

O Alcalde do Concello de Redondela

O Presidente da Asociación de
Empresarios de Redondela

Asdo: Javier Bas Corugeira

Asdo: Enrique Lago Granada

Concello de Redondela



Anexo ó convenio no que se recollen as obrigas do beneficiario desta subvención.

1. Cumprir o obxectivo, realizar a actividade ou adoptar o comportamento que fundamenta a concesión das subvencións de acordo coa memoria presentada.
2. Xustificar ante o Concello de Redondela, o cumprimento dos requisitos e condicións, así coma a realización da actividade e o cumprimento da finalidade pola que se concedeu a subvención.
3. Someterse ás actuacións de comprobación e control financeiro que podan realizar os órganos de control competentes, aportando canta información lle sexa requirida no exercicio das actuacións anteriores.
4. Comunicar ó Concello de Redondela a obtención doutras subvencións, axudas, ingresos ou recursos para a mesma finalidade. Esta comunicación deberá efectuarse tan pronto coma se coñeza.
5. Acreditar que está ó corrente no cumprimento das súas obrigas tributarias e fronte á Seguridade Social, na forma que se determine regulamentariamente.
6. Dispor dos libros, rexistros e/o documentos debidamente cumprimentados de acordo coa normativa aplicable ó beneficiario ou perceptor, coa finalidade de garantir o adecuado exercicio das facultades de comprobación e control.
7. Conservar os documentos xustificativos da aplicación dos fondos recibidos, incluídos os documentos electrónicos, en tanto poidan ser obxecto das actuacións de comprobación e control.
8. Facer constar naquelas actividades subvencionadas que así o permitan, ca mesma conta coa subvención do Concello. Na publicidade impresa deberá constar o escudo e nome do Concello de Redondela.
9. Proceder ó reintegro dos fondos percibidos nos supostos contemplados no artigo 37 da Lei 38/2003, de 17 de novembro, Xeral de Subvencións.
10. Con carácter xeral deberán desenvolver a actividade subvencionada no termo municipal de Redondela.
11. As persoas xurídicas deberán estar validamente constituídas e rexistradas.

Polo que se refire á xustificación dos gastos é unha das obrigas de todo beneficiario co Concello de Redondela. Con carácter xeral, a xustificación realizarase mediante facturas orixinais ou compulsadas directamente relacionadas co obxecto da subvención, e no seu caso, correspondentes ó período para o que esta foi concedida. As facturas deberán conter os seguintes datos:

- a) Emisión á persoa ou entidade beneficiaria, con especificación do seu N.I.F. ou C.I.F., domicilio fiscal, localidade e código postal e o Departamento ou Servizo destinatario da prestación.
- b) Identificación completa do provedor ou contratista, especificando polo menos, en todo caso, a súa denominación, N.I.F. ou C.I.F., domicilio fiscal, localidade e código postal.
- c) Número de factura.
- d) Lugar e data de emisión da factura.
- e) Descrición suficiente do subministro realizado ou do servizo prestado, con detalle das unidades obxecto do servizo ou subministro, cantidade e prezos unitarios de cada unha delas, contraprestación total, tipo tributario e cota do Imposto sobre o Valor Engadido.
- f) Período que corresponda.

Concello de Redondela

Rua Alfonso XII, 2, Redondela. 36800 Pontevedra. Tfno. 986400300. Fax: 986403894